



Jane Petersen  
Inatsisartunut ilaasortaq

### § 37 apeqquut nr. 057/2012 akissut

Asasara Jane Petersen

Oqaatsinut politikki pillugu apeqquutinnut Naalakkersuisut qujapput.

Februaarip 16-ani 2012 apeqquutit imaattut nassiussimavatit:

- 1) Naalakkersuisut isumaqarpat oqaatsinut politikki 2010-mi Inatsisartut akuerisaat naammaginartuusoq?
- 2) Naalakkersuisut isumaqarpat pisortat suliffeqarfiutaanni oqaatsitigut politikkeqalerneq tigulluarneqarsimasoq? Aamma pisortat suliffiutai tamarmik inatsimmik malinninnissaminnut siunnersorneqarsimappat?
- 3) Naalakkersuisut Oqaatsinik Pikkorissarfik suleqatigalugu oqaatsinut politikkeqalerneq kinguneranik qanoq iliorlutik suliniuteqalernerulerniarpat?

#### Akissut 1

Naalakkersuisut isumaqarput oqaatsinut politikki pillugu Inatsisartut inatsisaat nr. 7, 19. maj 2010-meersoq ataavartumik nalilersortuaannartariaqartoq. Naalakkersuisut siorna 2011 namminersorlutik ingerlatsiviit, pisortat ingerlatsivii pisortatullu oqartussaasut ikinnerpaamik qulinik sulisullit inatsimmi § 4 malillugu oqaatsinik politikkiminnik nassiuseqqullugit qinnuigivaat. Taamaasillutik Naalakkersuisut oqaatsinut politikkit nassiunneqartut tunngavigalugit oqaatsit pillugit ingerlasoqarnera malinnaaffigisinnaavaa. Naalakkersuisullu isumaqarput oqaatsinut politikkit nassiunneqarsimasut ilaatigut oqaatsit pillugit inatsisip nalilersorneqartarneranut tunngavigilluarsinnaagai.

Inatsisartut upernaakkut 2012-mi ataatsimiinnissaannut oqaatsinut politikki pillugu inatsisip allannguutissatut siunnersuutip ulluni makkunani tusarniaassutigineqartoq Naalakkersuisut naatsorsuutigaat Inatsisartunut saqqummiutissallugu. Allannguutissatut siunnersuutip suliarineqarnerani ilaatigut kalaallit oqaasiinik Namminersorlutik Oqartussat pillugit inatsimmi § 20 naapertorlugu, nunatsinni oqaatsinik pisortatigoortumik atorneqartunik atuinerup annertusarneqarnissaanik kissaateqarnermik tunngaveqarpoq.

#### Akissut 2

Naalakkersuisut isumaqarput oqaatsinut politikkit nammineq kajumissuseq tunngavigalugu nassiunneqarsimasuni takusinnaallugu suliffeqarfinit assigiinngitsunit oqaatsinut politikki tigulluarneqarsimasoq. Oqaatsinut politikki Inatsisartunit

2. mar 2012  
Sagsnr. 2012-062153  
Dok. Nr. 830622

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

naggataarutaasumik oqaluuserineqannginnerani naalackersuisoqarfik suliffeqarfiit assigiinngitsut suliffeqarfiillu kattuffii oqaatsit pillugit isumasioqatigiititsisimavoq, tamannalu upernaami 2010 pisimavoq. Taassuma saniatigut naalackersuisoqarfik Namminersorlutik Oqartussat Internetikkut qupperneranni inatsimmut tunngasunik ilitersuummillu inissiisimavoq. Suliffeqarfiit ataasiakkaat naalackersuisoqarfimmut apeqqutissaqaraangamik saaffiginnissuteqartarput, taakkualu siunnersorneqartarput.

### **Akissut 3**

Apeqqutip matuma akinissaanut naalackersuisoqarfik Oqaatsinik Pikkorissarfimmut saaffiginnippoq. Apeqqummut tamatumunnga Oqaatsinik Pikkorissarfik imatut nalunaaruteqarpoq:

Oqaatsinik Pikkorissarfik 2011-mi Sisimiuni Nuummilu najuulluni kalaallisut pikkorissaanernik 12-inik ingerlataqarpoq – 11-it akunnernik ilinniartitsiviusunik 70-inik sivisussusillit ataaserlu akunnernik ilinniartitsiviusunik 35-inik sivisussuseqarluni. Pikkorissaqataasut katillutik 72-iupput.

Pikkorissaanerit katillugit 6-it taamaatiinnarneqarput nalunaartut ikippallaarneri pissutigalugu.

Oqaatsinik Pikkorissarfiup pikkorissarnissamut peqataanissamut nalunaartoqartannginneranut nalinginnaasumik paasisaa tassaavoq, sulisut sapaatit akunnerinik 2-nik sivisussuseqartumik Sisimiuni kalaallisut pikkorissarnissaannut sulisitsisut sulisuminnik sulinngiffeqartitsinissamut piumassuseqannginnerat. Piviusormi tassaavoq Oqaatsinik Pikkorissarfik qitiusumik allaffeqarfimmeersunik, kommunineersunik kiisalu piginneqatigiiffinit Namminersorlutik Oqartussanit pigineqartuneersunik ikittuaraannarnik peqataatitaqartarmat. Tele aamma Nukissiorfiit namminneq oqaatsinik ilinniartitsisarput, taamaattumik Oqaatsinik Pikkorissarfik taakkunaneersunik peqataatitaqarneq ajorpoq.

Oqaatsinik Pikkorissarfik aamma isumaqarpoq kalaallisut oqaaseqanngitsut kalaallit oqaasiinik ilinniarnissamut soqutiginnittorujussuusut, sulisitsisumilli tungaannit piffissaqartitaanatik.

Taamaattumik Oqaatsinik Pikkorissarfik najuunnani kalaallisut ilinniartitsinermik 2010-imi atuutilersitsivoq.

Immikkoortoq 1-imut nalunaarsimasut

Januar 2011:	Pikkorissartut 44 (Pikkorissartut 40 + nammineerluni ilinniarnermut 4)
September 2011:	Pikkorissartut 25 (Atuaqatigiinnut 19 + nammineerluni ilinniarnermut 6)
Januar 2012:	Pikkorissartut 15 (Atuaqatigiinnut 9 aamma nammineerluni ilinniarnermut 6)

Immikkoortoq 1-imik naammassinnittut (nalunaaquttap akunneri atuarfiusut 24x2)

Januar 2011:	Pikkorissartut 7
Juli 2011:	Pikkorissartut 10
Januar 2012:	Pikkorissartut 6

Ukiup affaani siullermi immikkoortoq 1-mik naammassinnittut (nalunaaquttap akunneri atuarfiusut 12x2)

Januar 2011: Pikkorissartut 17

September 2011: Pikkorissartut 15

Januar 2012: Pikkorissartut 8

Takuneqarsinnaasutut ukiup affaani siullermi pikkorissartut pikkorissarnermik naammassinnittunit amerlanerupput. Tamatuma takutippaa taamaatiinnartoqartartoq, ilaatigullu pikkorissartut ilaasa "atuangiffeqarallarnissaq" toqqartarlugu, piffissamilu kingusinnerusumi pikkorissarnerup ukiuata affaa kingulleq ingerlattarlugu. Pikkorissartut arlaqaqisut nalunaartarput, aallartinngisaannarlutilli, imaluunniit sapaatit akunnerisa siulliit ingerlanerini taamaatiinnartarlutik. Taakku tassaagajuttarput pikkorissartut sulisitsisumik suliniuteqarneratigut pikkorissarnissamut nalunaarsimasut.

Atuaqatigiit ataasiugaangata pikkorissartut 3-5 ilinniarfik najornagu pikkorissarneq najuulluni pikkorissarnermik ilaqartittarpaat.

Oqaatsinik Pikkorissarfiup nalilerpaa unitsitsinernut suliffinni ulapinneq peqqutaasoq. Pikkorissartut tamatigut kajumittorujussuupput, ulluinnarnili pikkorissarnissamut piffissaqassanatik.

Inussiarnersumik inuulluaqqusillunga

Med venlig hilsen



Mimi Karlsen